



Inatsartunut ilaasortaq
Malik Berthelsen

**§ 37 tunngavigalugu apeqqutitut UKA 2010/50-ip aamma UKA 2010/68-ip
killiffimmut tunngasunut akissuteqaat**

24. jan 2012
Sagsnr. 2012-060406
Dok. Nr. 805020

Asasara Malik Berthelsen

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ikinn@nanoq.gl
www.nanoq.gl

Naalakkersuisut apeqquteqaatinnut UKA 2010/50-imut aamma UKA 2010/68-
imut tunngassuteqartunut qujapput.

Januaarip tallimaanni 2012 apeqqut imaattoq nassiussimavat:

**”Inatsisartut 2010-mi ukiakkut ataatsimiinnerminni tamarmiullutik
siunnersuutit UKA 2010/50 aamma 68 akuersissutigineqartut
suliarineqarnerat sumummita killippa?”**

Ilanngullugu paaserusussimavat inuusuttut amerlanerusut tuluttut oqaatsinik
ilinniartinneqarnissaannik Naalakkersuisut qanoq pilersaaruteqarnerusut/sunik
suliniuteqarniarnersut.

Akissuteqaat:

UKA 2010/50 pillugu:

Naalakkersuisoqarfiup sulisartut sulisisullu kattuffii aamma sprognævni
siunnersuummut Inatsisartut ukiakkut 2010-mi ataatsimiinnerminni
oqallisereerneranni allannguutissamik suliarinninnerminni attaveqarfignisimavaat.

Oqaatsit pillugit politikkip allannguutissatut siunnersuut naatsorsuutigineqarpoq
lovkontorimiit tiguneqarsimaleriarpat tusarniaassutigalugu nassiunneqassasoq.
Naalakkersuisunit naatsorsuutigineqarpoq oqaatsit pillugit politikip
allannguutissatut siunnersuut Inatsisartut upernaakkut 2012-imi
ataatsimiinneranni saqummiussinissartik.

UKA 2010/68 pillugu:

Ilinniartitaanermut Ilisimatusarnermullu Naalakkersuisoqarfimmit uunga
apeqqummut akissuteqarput imatut:

Oqaatsinik piginnaasaqarneq Naalakkersuisut assut pingaartitaraat, tassami
tamakku nunarsuup sinnerani ilinniarsinnaanermik ammaassisuummata.
Tassunga atatillugu tuluttut oqalulluarsinnaaneq periarfissarpassuarnik
tunniussisarpoq.

Oqaatsinik Pikkorissarfik 2011 taamaalilluni aningaasaliissutinik amerlanerusunik, tassa Tuluit Nunaanni oqaatsinik ilinniarniartut inuit quliniit 18-inut amerlissutissaanik aningaasaliiffigineqarnerusimavoq. Taamatut qinnuteqartut 2011-mi ikippallaarnerat pissutigalugu inissat 18-it tamarmik atorpeqanngitsoorput. Oqaatsinik Pikkorissarfiup taamaalilluni qinnuteqartut qulit oqaatsinik ilinniariartortinneqarput. Oqaatsinik Pikkorissarfiup naatsorsuutigaa 2012-imi inissanit 18-iusunit qulit aatsitassalerinermi uuliasiornermilu oqaatsit tuluttut atorpeqartartut pillugit ilinniartuussasut. Ilinniartussat sinneri suliffilerinermi imaluunniit takornarialerinermi oqaatsinik atorpeqartartunik ilinniarumaartut aamma naatsorsuutigalugu.

Taakkua saniatigut AFS-ikkoorlugu, EF-sprogikkoorlugu, STS-ikkoorlugu aamma Exisikkoorlugu paarlaateqatigiittarnerit atuarfiit aaqqissuuttarpat. Oqaatsinik ilinniartut 50-it missaanniittut ukiumut aallartinneqartarput, taamatullu ilinniarneq ukiumut 60.000 koruunit missaanni akeqartarpoq – taakkunannga angalanermut aningaasartuutit Namminersorlutik Oqartussat ilinniartunut utertittarpat, Nuna Fondimiit 10.000 koruuninik tapiisoqartarpoq aamma UVM Danmarkimiittoq (18-iliisimanningsunut) 10.000 koruuninik tapiissuteqartarpoq.

Haskell Indian Nations University suleqatigalugu Namminersorlutik Oqartussat Joint Committee aqutigalugu pilersaaruteqarpoq universitetimi ilinniartut arfinillit USA-mut aasaanerani pikkorissariartortittarniarlugit pilersaaruteqarpoq. Piffissami tassani universitetimi ilinniarnertut amerikkarmiut universitetimi ilinniartut peqatigalugit aasaanerani ilinniagassanut pilersaarutinut ilaasassapput, taamaaliornermikkullu ilinniagassat eqqarsaatigiinnarnagit tuluit oqaasii ilinniagalittut ilikkariartorsinnaagamikkik. USA-mi taamatut ilinniarneq ilinniagaqartunut annerusumik akissajaataassanngilaq, tassami Namminersorlutik Oqartussat USA-mut utimullu angalaneq akilertussaammassuk, aammalu Haskell Indian Nations University-p nerisaqarneq, najugaqarneq illoqarfiullu iluani angalaneq akilertartussaallugit.

Tamakkua saniatigut Nuummi Niuernermik Ilinniarfik Joint Committee alla aqutigalugu tamanut periarfissiiniarpoq tuluttut oqaatsinik nalunarsiartuaartillugit sisamanut avinneqartussanut ilinniarsinnaanerannik. Pilersaarut Den Amerikanske Ambassade-mit aningaasaliiffigineqarpoq, taamaalilluni pikkorissarnermut aningaasartuutit atuartunut akiligassaanatik. Pilersaarummut aamma ilaavoq e-learning, taamaalilluni kalaallinut innuttaasunut amerlasuunut periarfissaalluni.

Naggataatigut aamma taaneqassaaq tuluit oqaasiinik ilinniarneq meeqqat atuarmi ilinniagassaatitaamat, atuarmik ingerlatsinerup allannguutaa kingulleq malillugu atuartut 4. klassemiit ilinniartussanngortalersimallutik.

Inuusuttunut periarfissiinerit saniatigut inuit assigiinngitsunik sulisartut tuluit oqaasiinik ilikkarniarnissaq siunertaralugu pikkorissarnissamut Oqaatsinik Pikkorissarfiup immikkoortortaani assigiinngitsuni ilinniartinneqarsinnaapput.

Naalakkersuisut taamaalillutik nalunassutsini assigiinngitsuni nunatsinni tuluit oqaasiinik ilinniarsinnaaneq tapersersugaraat, taamatullu ilinniarnert ilaat nunani tuluttut oqaluffiusuni ilinniartassapput.

Inussiarnersumik inuulluaqqusillunga

Mimi Karlsen